



浙江潮

第七期


紹興東湖書院



紹興通藝學堂




紹興東湖陶山秦橋風景




海鹽演說會攝影



杭州求是書院學生體操課之圖(庚子十月)



仁和東城蒙塾攝影



浙江潮第七期目錄

癸卯七月二十日

◎圖畫

●四客政論……………願雲

●浙江全省十一府新地圖(其六)台州

◎學術

●(一)紹興東湖書院(二)紹興通藝學

◎政法

堂●紹興東湖陶山秦橋風景●(一)海

鹽演說會攝影(二)杭州求是書院學生

體操課畢之圖(三)仁和東城蒙塾攝影

●叙德俄英法條約所載高權及管轄權之評論因及舟山條約之感慨…芙峰

◎通信

◎實業

●敬上鄉先生請令子弟出洋遊學並籌

●日本銀行事業之概略……………烈客

集公款派遣學生書

◎哲理

◎社說

●希臘古代哲學史概論……………公猛

●國魂篇……………飛生

◎歷史

◎論說

●最近三世紀大勢變遷史…大陸之民

錄

目

●地理

●地人學……………壯夫

●傳記

●俄國虛無黨女傑沙勃羅克傳……………任克

◎大勢

●各國內情

●德國國勢之進步……………慧僧

●極東經營

●極東問題……………頑僧

◎談叢

●野獲一夕話……………聞石

◎雜文

●不圖今日重見漢官儀……………英伯

○附播畫十五方

◎所聞錄

●賣浙江全省路礦者非劉鐵雲一人也別有人也
●日本於湖南航路之開設●沈蕙之慘戮●
●俄國之新要求●橫濱之三江濟國會●嗚呼猶太

◎雜錄

●東報隨譯

●龍岩浦與滿洲●東歐問題與極東

●瑣談片片二十二條

●紹介新著

●中國歷史上卷●中國文明發達史●法蘭西
革命史●社會進化論●西伯利亞大地誌

◎小說

●愛之花……………儂更有情

第二回 英雄價值妙語批評
極樂世界名俗豫演

●少年軍(一)……………喋血生

◎文苑

●獄中贈鄒容 ●獄中聞沈禹希見殺 ●

獄中聞湘人某被捕有感(太炎) ●詠史

五之一 ●詠史五之四(亞公)

◎調查會稿

●湖州物產生利記 ●嘉興海鹽縣之慈

善事業 ●海鹽報紙之銷數 ●海鹽縣徵

米徵銀之實數 增戶口概略及
包清之影響 ●台州黃巖

縣城內學界區所表 ●處州宣平縣之種

種調查

購閱畧則

一定閱本誌在東京者可函向本社發行所掛號每季當
按址寄送在內地者可就近向上海各代派所掛號
或逕寄函本社亦可但必須將報費郵資先行付下
自然按寄無誤
一 向本社定購者由本社發給收條向代派所定購者
由代派所發給收條遇有已付報資而報未能按期
送到者可憑收條向原定處函索

售報價目表

全年十二冊	半年六冊	每冊
三元二角	一元七角	三角

本誌原有旁註頗不明晰自本期起刪訂如左一
用白帶者照表八折(一)向申杭總發行所批發者
十分者照表八折(二)每冊加郵費二分全年十二角

廣告價目表

洋裝一頁	洋裝半頁	一行
五元	三元	五角
元	元	二角

惠登告白者須於本編定期發刊之前交到價銀
先付登長年年者當格外從廉



通

信

敬上鄉先生請令子弟出洋遊學並籌集 公款派遣學生書

某頓首。遠適異國。昔人所悲。良以人情風土所在殊異。骨肉至戚。邈焉離絕。况復祖國阨危。乃某等者。直蒙恥忍垢。以寄人宇下。外界刺戟動易。枵觸彌襟。紆鬱誰從。解免鄉關夢斷。能不傷哉。然某等所以襁被東來。甯茹藥嚙荼。弗敢有斯須懊惱。歸志者何所求學耳。孟子曰。『爲巨室。則必使工師求大木。』今某等處海外。日夕孟晉。鏤而勿舍。蓋將搜羅海外之珍木奇材。以供巨室中爲棟爲柱。爲櫨爲杙。日用且不惟木工而已。若金工若土工。若石工。有一不具具焉。而有一不精。巨室即不能落成。而有輪矣。奐矣。之美觀。蓋建設若是其難也。今中國老舊朽腐。至於斯極。將

欲新之斷非一手一足所能爲力。其不能不有多數之青年子弟出洋留學明矣。入此歲來。東亞之風雲日益告急。而吾國之幼年少年壯年。相率東游者。亦日益夥。壬癸之與辛丑。料其人數。迺至如一與四之比例。進步可謂至速。就各省並論。江蘇最多。即松江一府。已多至數十人。毋亦揚子江沿岸交通便利。文明易於輸入。風氣大開之效歟。往者福建有官派陸軍學生數人。後無賡續者。江西安徽本省自來無官費。故閩贛皖三省。負篋至者不能盛。然合計亦近百人。有志之士。不可謂不衆也。四川區域之廣。冠各省。富饒亦不在江浙下。而人數尙不足逮閩。非以山川阻深爲之閼耶。雲南於中國本部。爲最僻陋。去歲之冬。始有官費生十人。自費生某。實與之偕。而長途嬰疾。遂爾委化。殊可慘痛。茲續有李君伯庚。由浙江大學堂退校。自備資斧出洋。雲南之有自費生。自李始也。陝西一人。山西一人。廣西二人。貴州七人。此數省者。風氣號稱閉塞。重以交通阻隔。游學之稀。亦固其所。顧有數君子者。以爲前導。聞風來者。當未有艾。河南官費生七人。悉數學陸軍。然皆爲北洋官派。自費生祇張君椿一人。河南之有張。猶雲南之有李。此鳳毛麟角。可爲寶貴者矣。廣東開港最先。且富

甲禹域。充其力。勿論官費自費。可以挾重資出洋者。其數必百倍於豫皖。十倍於江浙。迺據會館去秋之調查。祇六十人。據今春之調查。祇六十餘人。廣東內地之文化。亦可謂天閼矣。此必在地之頑固紳衿。以攻康梁之故。并攻新學一吠。百和摩盪成風。以致東望扶桑。羣焉裹足耳。山東無自費出洋者。陸軍學生十人。乃北洋官費生也。派送速成師範之說。已於去秋傳播海外。遲至今夏始決議。官場之顛預類如此。然聞人數至六十餘人之多。倘所謂不鳴則已。一鳴驚人者。歟。直隸官費十之四。自費十之六。三十餘人。中習陸軍者又居十之四。朔方健兒。好身手。此其選矣。至進步之最猛烈。風發雲湧。電激飈馳。現精神於留學界者。其湘鄂乎。各省官派學生。自來以湖北爲多。湖南於戊戌之夏。陳寶箴爲巡撫。招考出洋學生百人。尋以八月政變。不果行。湖南之有官派。自去年春速成師範始也。維時巡撫俞廉三。有頑固名。而何獨於派學則否。聞管學大臣張百熙。實電促之。而地方紳士之開通者。又能左右其間。以故去歲之冬。又增派四年半師範生三十人。自費生之極貧不能支者。亦悉化爲官費。已而湖北派西洋留學生三十。東洋留學生五十。是五十人者。皆楚產。兩湖

經心二書院之高材生也。故今日湘鄂兩省之官費學生連鑣並轡稱盛于一時。向使各省盡如湘鄂留學界當不知若何蕃盛。東京多一留學生即將來建造新中國多一工技師。豈不美歟。至若吾浙江者歲丁酉已有官派學生稽君偉汪君有齡二人到東學蠶業。汪君以病早回國稽君於辛丑年夏卒業回國是爲中國官派學生至日本之濫觴。翌年戊戌

四月遂有求是書院學生錢承誌陳樸何燭時陸世芬四君偕武備學堂學生蕭星

垣徐方謙段蘭芳三君東渡。蕭徐段三君湘鄂人於壬寅三月卒業今充浙省警官時撫浙使者爲嘉定廖公壽豐杭

州知府爲侯官林公啓。林最熱心愛國勇於辦事而廖又能俯納善言故能毅然爲各省倡。然廖之爲人拘謹自持不能有恢張闊遠之致。故雖以浙中之財富而官派祇有此數。及廖以告病去林又疾終于任即欲求再派一二人而不得矣。縣歷而至壬寅八月浙江大學堂及杭州府中學堂乃始派學生十五人入弘文學院普通科豫備入高等師範學校。今歲五月又續有六人入速成師範科。綜而計之自丁酉以逮癸卯七稔之間吾浙本省之有官費生二十餘人而已。自餘或爲南洋官費或爲使館官費或爲四川官費要亦不越二十人。今以人數比較浙江猶能於留學界占

第二三等位置者獨賴有自費生耳。夫浙江之財富不亞于湘鄂。籌餘京餉認攤賠款數亦不亞於湘鄂。而獨於造人材籌學費大吏輒咨嗟嘆息曰「沒有錢沒有錢」。承大吏之風旨者亦輒滿口答應曰「是!!是!!籌款子却是很難的事」。嗚呼!以吾輩之眼光觀之其不急之務可省之款擲黃金於虛牝者殆不可算。奈浙江無福至今日者徒令人迴憶廖林唏噓憑弔而不能自己。庸有濟耶。雖然官之有廖林特別也非通常也。通常之官携妻挈子以來我茲土母亦以我浙地皮之肥且厚其目的固自有在彼方併心壹慮以斬自達其目的而烏有餘力以爲吾浙謀。故浙江之肥瘠惟浙江人自受之。浙江之痛癢惟浙江人自知之。浙江之悲風苦雨牖戶飄搖惟浙江人自綢繆之自補葺之。此某等所爲椎心泣血殷勤屬望於我鄉先生諸父伯叔也。夫一省之中若政法若教育若軍事若實業其於地方上之關係密切直如布帛菽粟不可以一日離經甲午庚子二創則雖極頑蠢極龍鍾亦應知悠悠萬事無一事可以守舊而不得不就外洋練習以廣義言之東京多一留學生即將來建造新中國多一工技師以狹義言之東京多一浙江留學生即將來建造新浙江。

通

信

六

多一工技師故我鄉先生諸父伯叔而不欲興浙一任浙江之腐敗潰爛折入於他人之版圖而甘爲其奴隸爲其犬馬也則已若其否也則必謀所以救浙者救之之策則造就人材是也造之之策則出洋留學是也出洋留學之說丁戊之間頗足以聳人聽令則數見不鮮等於老生常談我諸父伯叔將厭聞之嗚呼此我諸父伯叔未嘗於中外強弱之原理列國競爭之趨勢與夫吾浙江之何以危亡何以圖存一深長思之也夫日本一東洋小島國耳面積之大祇中國三十分之一而教育界何以如此普及男女自八歲始盡入學校讀書故全國壯年男海陸軍界何以如此強盛工商業界何以如此發達今年大阪開第五回勸業博覽會曾游會場者當知之至醫學一科日人自謂已能邁英軼美凌義駕法惟差不逮德意志故至今由醫科大學校官派醫學士赴德留學者尙項背相望也然則日本之所以強日本非能自強也有多數之學生破巨浪冒驚濤千辛萬苦萬苦千辛日夕預備其所以強日本之原料逮至歸國而遂有以應用也今綜計東京之中國留學生數可及千浙江留學生數且逾百不可謂不多然試思以中國土地之大人民之衆三十年積穢之難掃西人嘗謂中國之腐爛達於極點譬之牛欄豕欄積穢三十年不掃欲一

且掃除甚難。此說得毋太諱然。中國人日居中國。習慣自然。相與俱化。所謂入鮑魚之肆久而不聞其臭。故中國人無自知中國之腐爛者。若使游歷外洋。於其政治上社會上。略略考察。未有不自愧自厲。自憤自恨。自吁自嘆。信西人之說。以爲真。然亦須稍有學問。稍見識。若在
日本各埠華商。雖居外國數十年。仍於中國腐爛習慣。未有改革。僅僅恃有此數勢。必不足於用。

且使中國大局危險。不至如今日之甚。則某等雖心愛中國。心愛中國一部分之浙江。猶不敢冒昧造次。涕泣呼籲於我鄉先生諸父伯叔之前。無如列強之逼移。日益加緊。日人某謂中國存亡。所爭祇在此五年間。此五年間不興。遲則將無存理。哀哉。斯言爲之毛髮悚然。今東三省俄人未肯撤兵。新約要求。殆將畫諾。東三省既折入俄。猶犬狺狺羣起爭食。瓜分豆剖。其禍立見。各國於欲占省分。平日早厚集勢力。劃分圈線。與政府訂立不割讓條約。而浙江則有英意兩國先後訂約。所謂二重不割讓之區域也。日本經營福建。封豕長蛇。未饜其慾。更欲伸足於我浙。前年日人志賀重昂。曾著論昌言。欲英人讓浙於日。今英日已聯盟。密約之有無。未可臆測。要以近事觀之。日人之視浙。與視閩直無所異。各報記中國事。輒於閩浙兩省爲尤詳。前歲日本大操。各省皆遣官往。閩浙所遣官。日人接待有加禮。此非明證歟。杭州拱宸橋關貿易港。商務極蕭瑟冷落。而日人之到杭者。彌衆。蠶學館總教習前島盤

通

信

八

踞不去。武備學堂總辦一歲數易。大權盡入總教習齋藤氏之手。學生祇百餘。而日教習多至九人。更增設小隊。而日人爲之尸。此其密爲佈置。草蛇灰線。畧可尋索。彼鸛鷺鳥從知之。嗟乎。朱明當陽之會。倭寇擾我浙東沿海。居民積鬻填野。流血成渠。今乃以欲我三十四千餘萬之方里。入其版圖。一千一百餘萬之人口。登其奴籍。誰非國民。其肯俯首帖耳。投紱日大燼之下哉。浙江之存也。惟今日浙江之亡也。惟今日勒馬懸崖不足喻其險。燃火眉上不足比其急。某等漫游海外。見聞較切。匪敢臆造危詞。上瀆清聽。良以天慘地黷。霧塞雲昏。大禍臨頭。爲時匪遠。一旦地爲人有。某等無國可歸。將等諸猶太人之飄零。無所終爲。異族所殘殺。而迴眺粉榆。則已家產蕩亡。

臺灣林稱敵國富自臺灣割與日本家遂中落是其例也 骨肉瑣尾子若孫且永不得爲上等人。

英滅印度一百餘年印人不得入議院充議員又不得學兵學今日本於臺灣亦然其例也 世世墮落泥犁地獄。勿能拔嗚呼。某落筆至此。心爲之悸。膽爲之顫。鼻爲之酸。淚且泫泫然覆面。不自知其何從也。雖然。病垂危矣。而仍不能不求藥。且正惟病危而求藥益急。蓬萊壺嶠間。實神仙不死藥。產生地某等負劬於此久矣。惟以病之重且久。需藥無窮。而求藥之人有限。故必冀內地有人接踵紛來。合

大衆之力入山冥搜而後捆載歸國炮之製之以飲病者沈疴庶幾乎立起此某等所以近頸企踵日望中國之多出洋學生而涕泣呼籲於我鄉先生諸父伯叔者意亦在是豈不以出洋留學爲今日救急之第一義哉然而我鄉先生諸父伯叔其不肯令子弟出洋爲鄉里提倡而於官費學生又未爲代謀者此非頑固守舊視新學若仇敵也亦非心腸冷眼孔小置一省公共之事於不顧也某知我諸父伯叔心實有所疑一疑留學生之講自由平等無父無君也夫己之自由以人之自由爲界自由固有界矣外國法律最嚴人人有自由權人人必守法律所謂身體自由權思想自由權行爲自由權靡不在法律制限範圍之內未有闖乎法律制限範圍之外得享絕對無限之自由者也至若平等之說雖共和如美利堅未能行之無他富貴貧賤固自有等其勢不能平也實則亦平權耳外國憲法凡納租稅于國家之人民皆應享國家之權利非若中國官則隆然若帝天民則爾然如草芥此眞合乎公理特暴君污吏爲不便耳留學生講平等自由於道德有何損壞且平等自由與君父何涉若以講平等自由爲無君父然則外國弑父弑君之案當層見疊出不絕

於報章何以寂寂寡聞如斯也。外國人享自由平等之幸福。不聞受無父無君之惡名。中國人託自由平等之空譚。乃加以無父無君之徽號。異哉！此第一疑。可破一疑。留學生之造反也。夫造反必有據。今內地挾以爲據者。駐日公使蔡鈞。湖北署督端方之說耳。蔡端何所據。則以拒俄事。學生組織義勇隊。預備赴敵耳。殊不知義勇隊之事。不過以東三省問題緊急。一時羣發公憤。作此聲勢。一以聳動政府。使有所醒悟。而不致鹵莽簽押。一以示武。外人俾外人知我國勢雖衰。士氣尙壯。未可遽肆。割此設義勇隊之苦心。日本報於此事。未嘗反對。至著爲論說。以相誇美。不圖竟以此觸怒蔡鈞。端方也。蔡鈞以去年孫吳之事。切齒痛恨於留學生。日思尋仇啓釁。致吾輩於死地。端方以不能禁湖北學生界。惱羞成怒。切齒痛恨於湖北留學生。而并罪及全部。此留學生「名則拒俄。實則革命」之說之所由來也。不然。總監督汪於留學界之一舉一動。可謂深切著明。何以無一紙電文。蜚告政府耶。且欲反則竟反耳。而何必託言拒俄。是役也。滿洲籍學生某實簽名入隊。而義勇隊章程。又明明大書特書在政府統屬之下也。特派員某某二人赴天津。求見北洋大臣袁。亦冀其堅持。